

ANEXO UNICO

ACUERDO IEPC/CG-A/244/2021

ICH'EL TA WENTAINEL TE BIN UT'IL YA X-OCH TA TSA'EL TE ACH JTUNELETIK TA OXCHUJK, CHIAPAS, YU'UN TE JAWILAL 2022 -2024, K'AXEM TA STOJOL TE ASAMBLEA COMUNITARIA BAN YICH'OJIK TA WENTA TE STALEL SKUXINEL TE JLUMATIK (pag. 37-41)

I. **St'unojibal ta tsa'el te ach' stunel yu'un te lum**

1. Te Asamblea General ya stsaj ta komon k'op ayej ban ya xjil te H. Ayuntamiento te bit'il tsakal te yatelul spasel ta swenta de ajwalil te ta proceso electoral tsajkilbil ta wenta te stalel skuxinel te jlumaltik.

II. **Sk'oplal ta jun te yak' ta wentainel te Asamblea General**

2. Te sk'oplalil tsibubil ta jun swenta te sta'el ach' tuneletik te ta jo'lajuneb yuil diciembre jawil 2021 ja swentaine te Organo Electoral Comunitario yu'un Oxchujk.
3. Te spukel yak'el ta na'el stojole' jame' sok te IEPC. Te tuneletik yu'un te Organo Electoral Comunitario ta Oxchujk ya me spukik te jun ta spisil te mach'a ay yatelul yu'un te ta cheb xwaxakwinik comunidadetike sok te ta jo'eb xcha'winik barrioetike yu'un te slumal oxchujk, banti ya spukbejik sk'oplal ta stojol te slumal mach'atik stsakojik ta waxaklajuneb yawilal swenta te sk'otik te ta sk'alelal sok yorail te najkanbil.
4. Te sk'oplal sjunil ya me yich' tsakel ta wenta sok ak'el ta na'el stojol ta yorail te me jelaw sok k'ax ta stojol te Instituto Electoral yu'un te tsa'el te ach' tuneletik.
5. Swenta ta yich'el ta muk te spukbel sk'oplal te jun, ya me yich' lok'esel ta son sok ya ych' pukel te jun ta jujun te komunidadetike, barrioetik, sok teme ay radio te ta lum. Jich teme ay bin ut'il ya stak' spuk te k'op ayej te Instituto Electoral.

III. **Sk'oplal te bin ut'il yastak' x-och ta tsa'el ich' bil ta pajal wentainel**

6. Te junil tulan sk'oplal te yax tun swenta te yastak' och ta sta'el te tuneletik jame te credencial de elector.
7. Teme mayukto yu'un te credencial de elector, ya me stak' yich'bel te sjunil banti ay ta tramite yu'un te skredencial, jich bit'il lok' sk'oplal yu'un te Tribunal Electoral te jich ya yak' ta na'el stojol te ayix yawilal ta tsakel ta wenta.
8. Ta spisilme' mantiketik sok yametiketik, te ya xlij ta waxaklajuneb yawilalix te ta slumal oxchujk, teme' ya xkuxin ta lum, ta junjun localidad yu'un te slumal oxchujk ja muk' teme' ay yu'un te credencial de elector ban ya yak' ta ilel te ta sk'alelal ta mesa de registro mame' stak' utsinel junuk localidad.

IV. **Sk'oplal te bin ut'il ta tsa'el ban wentainbil te komon pajal ich'el ta muk yu'un te tunel**

9. Ya me yich' tsakel ta wentainel ta atel tunel yu'un te ayuntamiento municipal, jich yu'un bi te asamblea general sok te Organo Electoral Comunitario ta Oxchujk, ya me skanantay sok swentain te k'op ayej ban pajal yipal te mantiketik sok yametiketik ta atel tunel, te sindicatura y regiduría te suplentejik pajalme' ya och te snujp' te ta presidencia mayukme' suplente jame jich te ta usos y kostumbres.

- A. Ayukme' waxaklajuneb yawilal, nakal xjuxinel ta snaj, teme ay ch'ayal snaktijib yu'un yabatil jamuk' teme tsakal sok te skomunidad, jame swentain tsakel te Asamblea.
- B. Teme tojomael, te bit'il te yametiketik te mastak' ya spasik, sok te spasojik te me spasojik yatelil te bit'il tsakal ta stojol te comunidad.
- C. Maba yich' wenatainel teme mayuk a nopjun, jamuk' te me ya snaj tsib sok sk'oponel te june'.
- D. Teme kuxinem ta stojol te slekil kuxinel ta slumal.
- E. Nabil sba' te ta skomunidad, ta sbarrio.
- F. Mame' stak' te me yinam, smamlal, xwix, yitsinab, sme', stat, yantsinich'an, keremnich'an, sok teme yuts' yalal jakal, te' mach'a ya stsak' te atel yu'un kunerol, sindikoil sok te regiduría.
- G. Te mayuk k'axem ta kunerol sok teme chopol la spas te atelil ta stojol te slumal, banti te asamblea ya tsak ta wentainel.
- H. Mayuk tsakal sjunil swenta chukel sok te mak bilbe sbe' yu'un tulan mulil.
- I. Mayuk tsakal ta tunel yu'un religión ta slumal.

10. Jich bit'il, la yich' tsobel sk'oplal te bin chopol mastak' snajkan'sbaik yu'un te atel tunel:

- A. Mach'a maba lek la spas te atel tunel yu'un te slumal te bitil tsakal te swentainel, banti te asamblea ya stsak ta wentainel.

11. Te swentail jame' te maba lek k'axemik ta spasel te yatelul lum te atel tuneletik jame jich te ya sk'an te ya yich jelel te stalel kuxinel te yajwalel lum mach'a te ya sk'an och ta cawilto.

12. Te yajwalel lum mach'a mala yich' tsa'el ta biluk atel tunel ta stojol te slumal ya me sk'an te lamal yotan, ya me xch'unik te bin la tsa' ta slekil yotan te slumal.

13. Te atelal yu'un swentain te stsobel, sbentesel sok syomel te atel tuneletik sok te stak'inal lum, ya me x-och ta tsa'el ta junjun comunidad yu'un te municipio swenta jich ya spasik te atelil ta stojol te ajwalil. Ya me' xlok' sk'oplalil ta jun te bin ut'il ya yich' tsa'el ja swenta te Organo Electoral Comunitario yu'un Oxchujk sok ya xk'ax ta stojol te Asamblea General banti ta swenta ya och ta ilel mach'a ya xjil ta spasel te atelil te ta jawil 2022 jato ta 2024. Ya x-och ta sk'ap xchajpanel te mach'ajuk la smak te sindico, sindica xjach'be sjunil te mach'a maba lek la spاسبey yatelil te atel tunel bin la yich' ak'el ta stojol te Asamblea General; ja jich te Asamblea General Comunitaria jame' ya slok'es te mach'a maba lek la spas te yatel te la yich' ak'el swentainel te stsobel, sbentesel sok syomel te atel tuneletik sok te stak'inal yu'un te H. Ayuntamiento te bit'il ay ta yawilal ta pasel.

V. Tsa'el ach' tuneletik

14. Te Asamblea General ya me yich' ta wenta lajuneb candidatoetik, jich bi, joeb mamtiketik sok joeb yametiketik, ban ya xlok' ta tsa'el te ach' kunerol.

15. Ta swenta te sindico (propietario), sindico (suplente) sok te wakeb regidoretik (propietarios), wakeb regidoretik (suplente), ya me x-och ta tsa'el yu'un cheb xwaxak winik comunidaretik sok te jaleb xcha'winik barriotik yu'un te slumal Oxchujk.
16. Te ateleetik sbi'ilik principales, ya me stsa'ik chanlajuneb comunidaretik banti ya xtulaj te mach'a ya smak jilel tunel, te bin atel tunel te stak' smak jame' te sindiko propietario sok jame' suplente sok te regidores propietarios sok jame' suplencias, tsakbil ta wenta te paridad de género, ya x-och ta stojol te Asamblea General chanebuk k'aal banti ya xk'ot ta tsa'el te ach' tuneletik. Ta sk'alal te ta yak'el ta ilel ta stojol te Asamblea, jame' ya swentain te mach'atik la yich' tsa'el yu'un te principales sok ya x-och ta ilel t'unel ta stojol te Asamblea General.

VI. Sk'alel te bit'il ya x-och ta tsa'el te ach' tuneletik, ban ya me'sk'an ya xk'ot ta pasel ta jo'lajuneb yuil diciembre jawil 2021.

17. Te stsa'el tuneletik ya me sk'ot ta pasel ta miércoles jo'lajuneb yuil diciembre jawil 2021 ta parque central yu'un te slumal Oxchujk.

VII. Swentainel st'unel te tsa'el ach' tunel

18. Ya xk'ot ta pasel ta stojol te Asamblea General Comunitaria ch'ojnax te parque central yu'un te lum.
19. Te atel tuneletik, asamblea general sok te yok sk'ab te ajwalil, ya me' yakbe sbe' te yajwalel lum, te mantiketik sok yametiketik swenta te ya x-och stsaik te ach' tuneletik ta stojol te Asamblea General Comunitaria;
20. Te Organo Electoral Comunitario yu'un Oxchujk, ta komon atel sok te Instituto Electoral, ya me slok'esik sk'oplal tsibubil ta jun, ta stojol te lum, mantiketik sok yametiketik, mach'atik tsakojik ta waxak lajuneb yawilal te ta slumal Oxchujk, jame' jich teme' ya xkuxin ta lum sok te mach'atik ayik ta comunidaretik te ta slumal Oxchujk.
21. Te sk'oplal sok swentail te tsoble ya me lok' ta cabecera jich bit'il ta spisil te jay chajp comunidaretik smako te slumal Oxchujk, jich bi' te Organo Electoral yu'un Oxchujk, comitejetik yu'un educacion sok te agentes auxiliares yu'un lum, ya me xlok' snajp'anik te sk'oplal te jun banti yastak' sk'abu te yajwalel lum; jich bit'il ya yich'lok'esel ta son ta jujun comunidad sok ta radio ban smako spamal te slumal oxchujk.
22. Ta sk'alel te tsoble ya me yich' ak'el mesaetik yu'un te registro de asistencia swenta te jaleb xcha'winik barrioretik sok te cheb xwaxak winik comunidaretik smakoj te lum, ya xjam ta waxakeb ora, swenta ya xk'otik te mantiketik sok yametiketik, ban ya snajkan sbi'ilik te banti tsakalik ta skomunidatik. Ta jujun mesa ya x'en te formatoetik yu'un jujun comunidad banti ya yich'ik tsakel ta wenta, sk'an xlijik te tsoble, jujun comunidad ya me yal te jayew ta tul k'ot te yajwalel lum ta stojol te Organo Electoral Comunitario yu'un te Oxchujk swenta jich ya xjach te muk'ul tsoble.

23. Te Organo Electoral Comunitario yu'un Oxchujk, jame' ya sjach-sbentes te stsa'el te ach' tuneletik jato' te ban ya xlaje'.
24. Te tsa'el te ach' tuneletik ta toywil k'abal.
25. Maba yejtal te yajtael te toywil k'abal teme chikan ta ilel te mach'a uts skolta'ele. Teme' ay maba chikan lek te bit'il toywil k'abal ya me xjach ta ajtael, te Organo Electoral Comunitario yu'un Oxchujk jame ya swentain ta syomel te yajwalel lum jich bit'il ta yajtajel te toywil k'abal, yich'osba ta k'al sok te tuneletik ta jujun comunidad. Teme yejtale ya x-och ta tsa'el mach'a ya swentain ta junjun mesa yajta'el ta localidad te votoetik ta jun yajwalel lum.
26. Te bayel yipal te chikan ta ilel jame k'oem ta pasel te ja uts te mach'a a tsa'abanik sok ja'tebnax te mach'a ma'k'ot ta yotan, jich bit'il ta spisil a tsaik sok teme' la yich' ajta'ele teme' ay jich ya xk'ot ta pasel, te Organo Electoral Comunitario yu'un Oxchujk jame' ya yak' ta nael stojol te bin ut'il a jil ta k'otel sok te ta slok'esel sbiil te mach'a a ju'yu'one te ta tsaee', jichinto', ch'ojnax ta tsael te mach'a ach' kunerol yame' yich ak'el na'el ta stojol te Asamblea General.
27. Xlaj te stsa'el tuneletik, te Organo Electoral Comunitario yu'un Oxchujk ya me x-och ta sjachel te akta de asamblea sok te ban ya yak'ik te sfirmaik, te atel tuneletik te orainto sok te mach'a ay yatelik ta jujun comunidad te smako te lum, jich te ta akta ya me sjun ochel te sjunil registro de jayeb chajp a k'ot ta lok'el.
28. Teme' k'ot ta lok'el te Instituto Electoral te ta asamblea general ta yilelnaxme', mame' stak' xk'opo sok tsael te ach' tuneletik.
29. Bit'il chapal stojol te asamblea sok bin xij a k'ot, jich'me' ya sk'ot ta pasel te ta stenle te parque central yu'un Oxchujk, te bin ut'il ya xjach te k'al:
30. Ya xlok' ta k'asesel lista ta waxakeb ora yu'un sab sok ya yich' chojtanel waxaklajuneb mesaetik, jich bi, oxeb ta jujun ochibal yu'un te plaza, tsakbil ta wenta te wakeb sbeilal te nabil'sba (tsakal jukeb xcha'winik sok waxakeb xcha'winik komunidadetik), sok skoltawanejetik te representantetik propietarios, suplentes sok tuneletik te ta cheb wxaxak winik sok te jo'eb xcha'winik barrioretik, jich bit'il te polisiaetik swenta ya swentainik te ta stojil sok lamal te stsa'el ach'tuneletik.
31. Swenta ya yich' nael stojol te mesas de registro, ya me yich' ak'el un croquis ban nakalik te jujun te smako wakeb sbeilal tsakal, jich bi, ya yich' pasel te sjunil registro sok yajtael ta jujun localidad ban ya yich' ak'el ta ilel te credencial de elector.
32. Ya me yich' ajtael te jaweb yajwalel lum a'k'ot ya me xk'ax ta stojol te Organo Electoral Comunitario yu'un Oxchujk, ban ja ya swentain te asamblea.
33. Teme tsobol ta spisil te komunidadetik ya me x-och ta yomel te Asamblea General, te k'ot te ateletik yu'un te instituto electoral mame' stak' xk'opo sok tsael te ach' tuneletik.
34. Teme jach te asamblea ya me x-och ta ak'el ta ilel te jay te kandidatoetik.
35. Te Organo Electoral Comunitario yu'un Oxchujk yame' yak'a k'axuk ta plaza civica te sbabi'al kandidatoe ban ya x-och ta ilel ta toywil k'abal jich ya xbajt jato te ban xk'ot ta lok'el te mach'a ya xju' yune' swenta te junerolil. Jich bi ya me yich ak'el ta ilel te chanlajuneb ateletik (jukeb yemetiketok sok jukeb mamtiketok). Jaik me te mach'atik ya smak bejik tayelul te sindico propietario jato ba xk'o lajuk ta stojel te suplente yu'un te sexto regidor, te asamblea general jame' ya snajkan, ich'bil ta

wenta te jayew a k'ot te bote'etik, pisil ya xk'ot ta pasel te ta jo'lajuneb yuil diciembre te ta jawilinto'.

36. Pisil te bin ya xk'ot ta pasel ya me xjach akta ban ya xbajta sfirma yu'un te Organo Electoral Comunitario yu'un Oxchujk sok te ateleetik tsabaliliktal ta instituto electoral teme jaik te consejeros sok consejeras.

37. Ya me stak' xk'otik te observadores electorales, mame' stak' xk'opojik sok tsael te ach' tuneletik.

VIII. Jawilal ta makel te atel tunel.

38. Te Ayuntamiento yame' xjala oxeb jawil ta spasel te atelil, jich bin ut'il te yak ta tsael te ach' tuneletik, jato'me' ya xlaj ta bulucheb'xcha'winik jawil 2024; jich' k'oem teme mayuk bin ora la yich' lok'esel te ta atel tunele'.

IX. Ajtalil ban ya stsak te atelil.

39. Te mach'atik ya yich'ik tsaee' ya me stsak te yatelik ta spajelal yu'unto' sjelawtesojix ta stojol te Instituto.

X. Slok'esel te atel tuneletik

40. Te yas tak' yich' k'abujel bin yilel ya xben te atelil ta bin k'al.

41. Te ach' kunerol sok jay tul atel tuneletik a jilik ta cawilto, ya me yich'i ilel t'unel bin yilel ya x-atejik yu'un jame jich ya x-och ta t'unel te biun te ya yich'ik lok'esel ya yatelike.

42. Swentail te bistuk te ya xlok'ik ta atel tunel:

A. Obras inconclusas.

B. Xat'el te yajwalel lum.

C. Maj sna'xat'el te apoyo, k'ejel baj xbajt te tak'ine.

D. Sk'anel tak'in yu'un te yak'el apoyo.

E. Yak'el ta spasel firmar sok sellar ta sakil ojaetik.

F. Spasel lot yu'un te stak'inal te recursoetik.

G. Maj xk'ot ta t'unel swentail jun plan de desarrollo municipal ban ya syom tsoob te cheb xwaxak winik sok te joeb'xcha'winik barrios yu'un te slumal Oxchujk.

XI. Snakajib te Comision de Quejas y Controversias.

43. Najkaj wakeb tuneletik, ich'bil ta muk' te paridad de género sok tsabilik ta st'unel mach'a spasbe yatelal. Te bin ut'il a'jil ja': presidenta la maestra Ernestina Santiz Gómez, vicepresidente Wenceslao Méndez Gómez, secretaria Patricia López Gómez, primer vocal el C. Abigael Méndez Gómez, segunda vocal Ofelia Encinos Encinos y tercera vocal Jimmy de Jesús Santiz Encinos.

Ta yorail swentainel te proceso electoral, te comisione' ya me stak' swentain te smak te utsinele', sleel stojil sok te lekil chajpanel, jich me xk'ot ta lok'el te komon tsakel ta wenta.

